

ԱՆԳԷԻ ՄԱՐԳԱՐԷՈՒԹԻՒՆԸ

ԱՆԳԷԻ ՄԱՐԳԱՐԷՈՒԹԻՒՆԸ

1

Դարեն թագաւորին երկրորդ տարուան վեցերորդ ամիսը, ամսուան առաջին օրը, ^աՏէրոջ խօսքը Անգէ մարգարէին ^բմիջոցով ^գուղղուեցաւ Յուդայի կուսակալին՝ Սաղաթիէլեան Զօրաբաբէլի, ու քահանայապետին՝ Յովսեփէկեան Յեսուի, ըսելով. **2** «Զօրքերու Տէրը կը խօսի ու սա՛ կը յայտարարէ. “Այս ժողովուրդը կ’ըսէ. “Դեռ ատենը հասած չէ – Տէրոջ տունը կառուցանելու ատենը”^դ»: **3** Ուստի Անգէ մարգարէին ^եմիջոցով Տէրոջ խօսքը ^զուղղուեցաւ՝ ըսելով.

4 «Արդեօք ատե՞ցն է՝ որ դուք բնակիք ձեր ձեղնածածկ տուներուն մէջ, իսկ այս տունը աւերակ **մնայ**»:

5 Սակայն հիմա զօրքերու Տէրը սա՛ կը յայտարարէ. «^գՄտածեցէ՛ք ձեր ^էընթացքին մասին.

6 Ծատ սերմանեցիք, բայց քիչ ^բհնձեցիք.

Կերաք, բայց չկշտացաք.

Խմեցիք, սակայն ^բչյագեցաք.

Հագուեցաք, սակայն ո՛չ մէկը տաքցաւ.

Ու վարձկանը ծակած քսակի համար կը վաստկի **իր** վարձը»:

7 Զօրքերու Տէրը սա՛ կը յայտարարէ.

«Մտածեցէ՛ք ձեր ^ընթացքին մասին.

8 Լե՛ռը ելէք, փա՛յտ բերէք

Ու կառուցանեցէ՛ք տունը, եւ ատոր պիտի հաճիմ

Ու պիտի փառաւորուիմ, – կը յայտարարէ Տէրը:–

9 ^ժԾատը կ’ակնկալէիք՝, բայց ահա՛ քիչը **ստացաք**.

Երբ տուն բերիք, վրան փչեցի:

Ինչո՞ւ, – կը պատգամէ զօրքերու Տէրը:–

Իմ տանս պատճառով՝ որ աւերակ է,

Մինչ ձեզմէ իւրաքանչիւրը իր տունը կը ^իփոկթայ:

^ա Եբր.՝ Եհովայի

^բ Եբր.՝ ձեռքով

^գ Եբր.՝ եղաւ

^դ Եբր.՝ ձեռքով

^ե Եբր.՝ եղաւ

^զ Եբր.՝ Ձեր սիրտին մէջ դրէ՛ք

^է Եբր.՝ ճամբաներուն

^բ Եբր.՝ բերիք

^բ Եբր.՝ չգիտովցաք

^ժ Եբր.՝ Ծատին կը նայէիք

- 10 շտեղծաբար ձեր վերելք եղող երկինքը դադրեցուցած է իր ցօղը, երկիրն ալ դադրեցուցած է իր արգասիքը:
- 11 Ես չորութիւն բերի երկրին վրայ եւ լեռներուն վրայ, Յորենին, քաղցուին ու իւղին վրայ, Գետինի արտադրութեան վրայ, Մարդոց վրայ եւ անասուններուն վրայ, Ձեռքերու ամբողջ վաստակին վրայ»:

ԺՈՂՈՎՈՒՐԴԸ ԿԸ ՀՆԱԶԱՆԴԻ ԱՍՏՈՒԾՈՅ

12 Այն ատեն Սաղաթիւէան Զօրաբաբէլ, քահանայապետը՝ Յովսեփէկեան Յեսու, եւ ժողովուրդին ամբողջ մնացորդը մտիկ ըրին Տէրոջ՝ իրենց Աստուծոյն ձայնը եւ Անգէ մարգարէին խօսքերը, Տէրոջ՝ իրենց Աստուծոյն անոր յանձնած առաքելութեան համաձայն, ու ժողովուրդը՝ Տէրոջմէն վախցաւ: 13 Տէրոջ պատգամաւորը՝ Անգէ Տէրոջ պատգամները ժողովուրդին հաղորդեց՝ ըսելով. «Ես ձեզի հետ եմ»,– կը պատգամէ Տէրը:– 14 Տէրը Յուդայի կուսակալին՝ Սաղաթիւէան Զօրաբաբէլի հոգին արթնցուց, նաեւ քահանայապետին՝ Յովսեփէկեան Յեսուի հոգին, ու ժողովուրդին ամբողջ մնացորդին հոգին. ուստի գացին եւ իրենց Աստուծոյն՝ զօրքերու Տէրոջ տան մէջ գործի լծուեցան, 15 Դարեհ թագաւորին երկրորդ տարուան վեցերորդ ամսուան քսանչորրորդ օրը:

ՆՈՐ ՏԱՃԱՐԻՆ ՊԱՅԾԱՌՈՒԹԻՒՆԸ

2

Եօթներորդ ամսուան քսանմէկերորդ օրը, “Տէրը խօսեցաւ” Անգէ մարգարէին ^բմիջոցով՝ ըսելով. 2 «Այժմ խօսէ՛ Յուդայի կուսակալին՝ Սաղաթիւէան Զօրաբաբէլի, քահանայապետին՝ Յովսեփէկեան Յեսուի, ու ժողովուրդին մնացորդին, ըսելով.

- 3 “Ձեր մէջ ողջ մնացած ո՞վ կայ, Որ այս տունը իր նախկին փառքով տեսեր է. Հիմա գայն ի՞նչպէս կը տեսնէք. Միթէ ոչինչի պէս չէ՞ ձեր աչքերուն՝ անոր բաղդատելով□»:
- 4 «Բայց հիմա՝ զօրացի՛ր, ո՛վ Զօրաբաբէլ,– կը պատգամէ Տէրը,– Զօրացի՛ր, ո՛վ քահանայապետ՝ Յովսեփէկեան Յեսու, Նաեւ դո՛ւք, ո՛վ երկրին ամբողջ ժողովուրդը. Զօրացէ՛ք,– կը պատգամէ Տէրը,– եւ աշխատեցէ՛ք. Որովհետեւ ես ձեզի հետ եմ,– կը պատգամէ զօրքերու Տէրը:–
- 5 Ձեզի հետ կնքած ուխտիս խոստումին համաձայն՝ երբ Եգիպտոսէն ելաք, Իմ Հոգիս ձեր մէջ կը կենայ. մի՛ վախնաք»:
- 6 Արդարեւ զօրքերու Տէրը սա՛ կը յայտարարէ.

^բ Եբր.՝ վազէ

^ւ Եբր.՝ Տէրոջ երեսէն

^ւ Եբր.՝ Տէրոջ խօսքը եղաւ

^բ Եբր.՝ ձեռքով

ԱՆԳԷԻ ՄԱՐԳԱՐԷՈՒԹԻՒՆԸ

«Քիչ մը **ատենէն** ետք՝ անգա՛մ մըն ալ պիտի Գսարսեմ երկինքն ու երկիրը,
Ծովը եւ ցամաքը:

- 7 Նաեւ բոլոր ազգերը պիտի սարսեմ.
Բոլոր ազգերուն ցանկալի **բաները** պիտի գան,
Եւ այս տունը փառքով պիտի լեցնեն,–
Կը պատգամէ զօրքերու Տէրը:–
- 8 Արծաթը ի՛մս է, ոսկի՛ն ալ իմս է,– կը պատգամէ զօրքերու Տէրը.–
- 9 Այս տան վերջին փառքը առաջինէն մեծ պիտի ըլլայ,– կը պատգամէ զօրքերու Տէրը,–
Եւ այս տեղին խաղաղութիւն պիտի տամ», կը յայտարարէ զօրքերու Տէրը:

ՄԱՐԳԱՐԷՆ ԿԸ ԽՈՐՀՐԴԱԿՑԻ ԲԱԶԱՆԱՆԵՐՈՒՆ ՀԵՏ

10 Դարեհի երկրորդ տարին, իններորդ **ամսուան** քսանչորրորդ **օրը**, ^ԳՏէրը խօսեցաւ՝
Անգէ մարգարէին միջոցով՝ ըսելով. 11 «Այժմ զօրքերու Տէրը սա՛ կը յայտարարէ. “Հիմա
օրէնքին մասին հարցո՛ւր քահանաներուն. 12 "Եթէ մարդ մը իր հագուստին քղանցքին մէջ
սրբացուած միս կրէ, ու քղանցքով հացի, ապուրի, գինիի, իւղի, կամ որեւէ ուտելիքի դպչի,
ատոնք սրբացուած կ'ըլլա՞ն"^Գ»: Քահանաները պատասխանեցին. «Ո՛չ»: 13 Անգէ ըսաւ.
«Եթէ ^Եմեռելէ Գպղծուած մը ասոնցմէ մէկուն դպչի, կը պղծուի՞»: Քահանաները
պատասխանեցին. «Կը պղծուի»: 14 Ուստի Անգէ ըսաւ.

«Ա՛յդպէս է այս ժողովուրդը,
Ա՛յդպէս է այս ազգը իմ առջեւ,– կը պատգամէ զօրքերու Տէրը,–
Ա՛յդպէս է իրենց ձեռքերուն ամբողջ գործը.
Ինչ որ հոն կը մատուցանեն՝ պիղծ է»:

ԱՍՏՈՒԱԾ ԿԸ ԽՈՍԱՆԱՅ ԻՐ ՕՐՀՆՈՒԹԻՒՆԸ

- 15«Ուրեմն այժմ ^Եուշադրութիւն դարձուցէք՝ այս օրէն ^Եետք **պատահելիքին**,
Երբ դեռ Տէրոջ տաճարին մէջ քար քարի վրայ դրուած չէ:
- 16^ԳԱյդ ատեն՝ երբ մէկը քսան **քոռ ցորենի** դէզին քով երթար,
Տասը **քոռ** ^Ժկը գտնուէր՝.
Երբ հնձանին քով երթար՝ **գինիի** կարասէն յիսուն **մար** հանելու,

- ^Գ Երբ.՝ շարժեմ
- ^Դ Երբ.՝ Տէրոջ խօսքը եղաւ
- ^Ե Երբ.՝ մեռած անձէ
- ^Զ Երբ.՝ անմաքուր եղած
- ^Է Երբ.՝ ձեր սիրտին մէջ դրէ՛ք
- ^Ը Երբ.՝ վեր
- ^Թ Երբ.՝ Անոնց ըլլալէն առաջ
- ^Ճ Երբ.՝ կար

Քսան մար կը գտնուէր:

17 Ձեզ խորշակահարութեամբ, արմտիքի դալուկով ու կարկուտով զարկի Ձեր ձեռքերուն ամբողջ գործին մէջ,

Սակայն ձեզմէ ո՛չ մէկը ինծի վերադարձաւ,– կը պատգամէ Տէրը:–

18 Ուրեմն ուշադրութի՛նն դարձուցէք այս օրէն ետք,–

Տէրոջ տաճարին հիմնադրութեան օրէն ետք,–

Ինններորդ ամսուան քսանչորրորդ օրէն ետք ուշադրութի՛նն դարձուցէք.

19 Հունտը տակաւին ամբարին մէ՞ջ է.

Որթատունկը, թզենին, նոնենին ու ձիթենին

Դեռ պտուղ բերած չեն.

Սակայն այս օրէն սկսեալ ձեզ պիտի օրհնեմ»:

ԱՍՏՈՒԾՈՅ ԽՈՍՏՈՒՄԸ ԶՕՐԱԲԱԲԷԼԻ

20 Տէրոջ խօսքը երկրորդ անգամ

Անգէի ^Իուղղուեցաւ ամսուան քսանչորրորդ օրը՝ ըսելով.

21 Խօսէ՛ Յուդայի կուսակալին՝ Զօրաբաբէլի, ըսելով.

«Ես երկինքն ու երկիրը պիտի սարսեմ,

22 Թագաւորութիւններուն գահը պիտի տապալեմ,

՝Ազգերու թագաւորութիւններուն զօրութիւնը պիտի փճացնեմ,

Կառքերն ու անոնց հեծեալները պիտի տապալեմ.

Ձիերն ու անոնց հեծեալները պիտի իյնան՝

Իւրաքանչիւրը իր եղբօր սուրով:

23 Այդ օրը,– կը պատգամէ զօրքերու Տէրը,–

Քեզ պիտի առնեմ, ո՛վ Սաղաթիէլեան Զօրաբաբէլ, իմ ծառաս,– կը պատգամէ Տէրը,–

Ու քեզ կնիքի պէս պիտի դնեմ,

Որովհետեւ քեզ ընտրած եմ», կը պատգամէ զօրքերու Տէրը:

^Ի Եբր.՝ եղաւ

^Լ Կամ՝ Հեթանոսներու